

Fortsetzung von Seite 6

noch von Tog ieblich war. De Schneeschuh durftn nei dr Schupp gestellt warn, su des de Kinner nicht durch Eimstock ze schleppn hattn. Esu ging des ne ganze Woch lang. Un dann gabs noch ne Ieberrasching: In letztn Obnd gabs als Abschluss ne große Fete in dr Backstub, do wurn alle Stiehl un Bänkle hargesucht un aufgestellt. De ganze Bäck-Familie un de Schulclass ham mittenanner drzählt un gesunge un Spackfettbemme gassn, su des des ne rachte Freid war.

Des war richtsche arzebirgsche Gesellich- un Gastlichkeit, wie mr se net gelei wieder finden tut!

Su warn halt unnere Voigt-Bäckn
vu dr Faldstroß!

Bis zen nächstn Mol

Eier Schmidti

FAHRDIENST für unnern Lichtlobnd

Wer am 12.12.2014 **ins** Hotel am Bühl gefahren werden will, der möchte bitte anrufen: **Uta Schmidt – Tel.: 2395**

Erhält sie bis 17:00 Uhr keinen Anruf, so erfolgt auch kein Fahrdienst !!! Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!!!

Für die Heimfahrt wird gesorgt!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Fax 037752 / 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90870540003892207258
BIC: WELADED1STB

Unner Blatt`l



Nummer
117

Mitteilungsblatt des
Erzgebirgischen Heimatvereines Eibenstock e.V.

Dezember
2014



Foto: P. Müller



Wir wünschen all unseren Mitgliedern und Freunden
eine schöne Advents- und Weihnachtszeit und einen
guten Rutsch in das Neue Jahr !

Glick auf !



WEIHNACHTSLIED

Stephan Dietrich
- Saafnlob -

Wenn draußen vun Himmel dr Schnee fällt,
deckt Wiesn un Walder schie zu,
nooch kimmt druhm bei uns ball de Weihnacht,
stimmt allis su fastlich un fruh.

De Starnle, die glitzern vun Himmel,
de Baamle sei zuckerbeschneit.
Is pucht an dr Tür schu dr Rupprich –
nu is aah's Bornkinnl nett weit.

De Kinner, die folgn wie de Schafle,
do hot's fei kaa Nut un kenn Streit,
De Grußen, die warn wieder Kinner –
ach, du selige Weihnachtszeit.

Do ginne se uhm bei uns hutzn,
derzöhl'n sich un singe derbei.
Rundüm när de Lächerle brenne,
un Weihnacht zieht überoll ei.

Un scheine de Lichter vun Baaml
su warm uns in Harz un Gemüt,
nooch klingt uhm in unnerer Haamit
dös uralte Weihnachtslied.

Un aah nei ins ärmlichste Hüttl,
wu gestern noch Kummer un Nut,
do strahlt hall e Weihnachtsstarnl
un macht allis Leid wieder gut.



Wir gratulieren unseren Heimatfreunden

Monika Jung	am 13.12.	zum 55. Geburtstag
Erika Nötzold	am 22.12.	zum 75. Geburtstag
Lothar Richter	am 22.12.	zum 53. Geburtstag
Peter Müller	am 23.12.	zum 72. Geburtstag
Annemarie Baumgarten	am 25.12.	zum 89. Geburtstag
Christoph Kolbe	am 26.12.	zum 58. Geburtstag
Holger Wiech	am 30.12.	zum 54. Geburtstag



Als neues Vereinsmitglied begrüßen wir: Birgit Zielinski



Wir laden ein zum
Lichtlobnd

am
12. Dezember 2014,
18:00 Uhr

in das
Ferienhotel am Bühl.

Bergasst nett, wieder wie alle Bahr a klaans Packl – su im de 5 Euro – mietzebrengel !!

Wie ihr gemerkt hobt, kimmt is Blatt`l desmol a Woch speter. Dr Günter und iech hattn aafach net eher Zeit. Bei uns is im de Advents- und Weihnachtszeit jedesmol allerhand ze tu. Erscht dr Weihnachtsmarkt, fast jedn Tog Dienst im Museum beziehungsweise im Kulturhaus in Aue und noch annersch Zeich.

Aber trotzdem müsst ihr uns in Gefalln tu!

War ze unnern Lichtlobnd kimmt, dar muss uhbedingt aahrufn. Es geht im de Bestellung vun unnern „Weihnachts-Assn“. Is Hotel muss de Portzjone wissen, domit jeder aah sei Assn kriecht.

Also ruft miech bitte bis`n Dannerstich, ne 11.12.2014 aah!!!!
Tel. 2666 oder 2141 oder auf mei Händie 0152 53305014



Unsere erste Zusammenkunft 2015 findet
voraussichtlich am 2. Donnerstag, den 8. Januar im Vereinshaus
statt.



Dr Voigt-Bäck un de Schneeschuhfahrer

Wie iechs vorsprochn hob, itze kimmt dr zweete Taal vun unnern Voigt-Bäck. Is letzte mol hatt iech ja bericht, des mir Schmidt-Gunge ja immer eweng in dr Backstub un in Gartn drimrim geholfn ham, wens abn nutwendich war, un ze tu gabs eingtlich ja immer. Dodrfür ham uns de zwee Bäckn, dr alte un dr gunge Rich, aa immer wos guts geta. E wos ganz besonnerch muss iech aafach emol lus warn: Mei Schweriner Bruder, dr Bernd, den hat ja sei Lehreramt samt seine Sterne-guckerei nooch ne huchn Nordn naufgetriebln. Do in dr Aafangsphase, also in tiefstn DDR-Zeitn, wu ar noch kaa Oberlehrer geschweiche denn Oberstudienrat war, isser als klaaner Klassenlehrer mit seine Schulklassen gernemol vorraast. War siech dorinnern kaa, do hatt iech schu emol vu nr Radtour in unnern Blattl bericht. Esu kam ar wieder emol auf die Idee – weil ar ja aa nu sehr mit unnerer Haamit verbundn is – mit seine Kinner nooch unnern Eimstock ze kumme. Un wos is do besser for die Nordlichter? Nu dr Winnter mit viel Schnee. Die weiße Pracht ham die do ubn zwar aa mannichsmol, aber abn kaane Barg dorzu. Un die braucht mr halt zen Schneeschuhfahrn. Un grod des wollt dr Herr Lehrer sein Schülern beibreng: Wenichstns e klaans Bargl mol neirutchn! Des war sei Lehrziel in dare Winterferienwoch. Nu gabs ja dozumols 1964 noch kaa Herberch am Adlerfelsn un aa kaane Schihitt. Aber in ehemalighn FDJ-Heim - was itze unner schiener stattlicher Kinnergartn is - gabs e Wannerquartier. Do war dr Name besser wie sei Innelabn: Aafacher Staafußbudn, eiserne Feldbettm mit Wolldeckn, esu richtich urich. Aber des ging allis, mr hats ja net annersch gekannt. Heitzetog tät do Kaaner meh nei gieh. Un

Dann gabs aa noch zen Ausleihe alte Schneeschuh-bratter samt Schieschuh drzu. Irgndwie hat jeder nooch viel Aprobiererei seine Sach samt Stackn mit aafacher Faderbindung un nr ganzn Hatz Riemle zamgehatt. Tapfer sei de Maad un Gunge vun Nordn lus marschirt hinnern Nonnehaisel neizun Dreieckel. Do war dr Hang genau richtich for sette bluting Aafänger. Nooch de erschn Versuchle gabs sugar dann richtsche Wettbewerbe, sugar ne Schanz ham mr gebaut, wu mr 4 - 5 Meter fliegn kunnt. Des war die aane Seit, de annere kimmt itze: Noochmittich, wens schu ball finster wurn is un de Kinner schu halb mit Eiskristalln bedeckt warn vun vieln Hiefalln, ham mir uns dann langsam dr Funckstroß vier beweucht. Des Haifel kalter Schneemanner kunnt dr Voigt-Rich net mit aasaah, do hat ar uns gelei waggefange un nei seine schiene grüße un for alln warme Backstub negehult. Do kunnt mr des gefrone un nasse Aaziehzeich wachsln un zen trockne nauf aufn grußn altn Backufn legn, un dann gabs erscht emol in warme Tee, e paar Kuchneckn un wos sinst

Fortsetzung auf Seite 8

Is Weihnachtsbaaml

Stephan Dietrich
- Saafnlob -

Wenn su Weihnachten in Gebirg rakimmt, do is bei uns geds ober drauf, doß zr Zeit e Baaml neis Haus kimmt, e richtigs Tannebaaml. Do sei de Leit bei uns wählerisch. Dr Baam muß gute Quirl hobn, dos haaßt, de Ast müssen schie genau gegenüberstieh un is derf aah kaaner faahln. Am besten is, mr kaaft su en Baam nett, wall mr do in grußen ganzen namme muß, wos do in Wald rausgeschlogn werd. Am besten is, mr maust sich en Baam, uhne doß mr derwischt werd. Dr Seffgung un dr Schmiedhannes sei nu aah emol su korz vür Weihnachten naus in Wald of de Such nooch en schinn Baam gange. Dr Seffgung hat de Saag mitgenomme un dr Schmiedhannes en lange Strick. Su mit die klenn Fichtl is nischt. Mr muß vun en grußen Baam de Spitz namme, die is kräftig und hot aah meest en schinn Quirl. Do hattn se aah ball en Baam derwischt, dar ubn naus schie gewachsen war. Dr Hannes klattert nu nauf, bindt ne Strick üm dare Spitz, domit dr Seff ne Baam robiegn ka un oschneiden. Dr Seff lauert unten mit dr Saag. Wie dr Hannes gerod dos aane End vun Strick roschmeißen will, kimmt of aamol dr Forstwart un bläkt: „Nu, Dunnerwatter, ihr verdammten Spitzbubn. Wos macht ihr denn do!“ Do saat dr Hannes: „Pscht, Herr Färschter, stärn Se ne Hannes nett. Se sanne doch, dar hot en Strick. Dar will sich nämlich erhänge, un ich wart hier unten un will ne noocherts oschneiden.“



aus: „Das lustige Buch Erzgebirger“

November – dr Bastlmonat

Jeds Gaar in November sei alle gespannt, was is wieder for neie Bastel-Idee vu unnerer Annita gabn werd. Schu vierzn Tog vornewag hatt se bei meiner Fraa aagerufn, des se emende zwee Halfer drzu gebrauchn könnn, weil – allaane kaste net jedn gelei allis dorklärn un Hilfestellung gabn. Su is de Uta mit dr Andrea bei dr Annita eigerickt un do ham se des Ganze durckexserziert. Hinnerhar hab iech gelei emol nahgefreet, was mr nu bastln tät, aber die dreie ham nicht vorrotn. „Des werste nu schu an Donnerstich noch zeitich genuch sah!“ E klaans Schalle solltn mir mitbrenge, vor wos aa immer.

Dr Bastlobnd war do un wie immer ze den Aalass gut besucht. 4 Manner, die nisch mit ne Basteln an Hut ham, die tät siech gelei annern Extratisch sammln un lusschkatn. Mir Annern kunntns kaum drwartn, was do wieder abgieh sollt.

De Annita mit ihrn 2 Helfern ham siech im Raum vortaalt un jedn de Einzeltaal vu dr Bastelei aufn Tisch geta. Dann kam de Aasoch, wie mr de aanzln klenn Perle un Straafn neizamm machn mußtn. Des war ganz schie schwierig, weil de Perle racht klaa warn un mr de Löcher net gelei gefundn hat. Tja, eweng Arbit muss ja aa drbei sei, ansinstn macht des ja kenn Spass. Un den hattn mir wieder. Manniche ham - wie immer durch ihr Gelatsch - net esu richtig draufgehärt un des ganze erscht emol falsch zamgesteckt un eigefaadt. Aber de Helferinne sei ja immer ringsrim gesprunge un ham des wieder in Ordnung un Form gebracht. Zen Schluss



Fotos: R. Tittel



hat des Ganze auf jedn Fall ne schiene schmuckliche Kugel drgabn, die mr nane Tannebaum hänge oder aa sinstewu naalegn kaa. De meestn vu uns ham net nár aane Kugel, na, sugar zwee, dreie oder gar viere zamgebracht, aane schenner wie de annere, immer mit nr annern Farb un aa in annern Muster! Bestn Dank dr Annita for den wieder gelungene Beitrog ze unnern Voreinslabn.

Glück Auf Dr Vürstand



De Eimstocker Märchnweihnacht 2014 is nu aa schu wieder vorbei. Is warn wieder drei aarbeitsreiche, aber schiene Tog. Is gab viel ze tu un ümhaarschirgn, mir hattn viel Spaß drbei, ham viel drzählt un gelacht un aa paar schiene Programme gesaah. Do hattn mir ja aa wieder in grußn Aateil dra. E ganz großes Dankeschön an unnere fleißign Halfer in unnerer Bud. Dar „Budnzauber“ hat in jeder Beziehung geklappt un alle ham ihr Bestis gabn, ganz gelei öb bein haarichtn dr Bud, bein verkaafn oder bein Nachschub raabrenge. A paar Bildle un in Bericht gibt's in dr Januar-Ausgob vu unnern Blattl.